


Noticia
Transparente
di Gobierno

ISLA ONLINE

Diahuebs 25 Juli 2024

Email: IslaOnline@gobierno.aw Tel: 528-4952

ARTE DI MURAYA SAN NICOLAS



STABILIDAD
Y
PROSPERIDAD

2 0 2 4



Gabinete Wever-Croes



"SPECIAL ENVOY" NOBO DI HULANDA, ANNEMIEKE VERRIJP, A REUNI CU PROME MINISTER

E "Special Envoy" ta yuda cu e comunicacion entre Aruba y Ministerio di Relacion Exterior di Hulanda



Relacionnan internacional ta algo cu ta asunto di Reino y den esaki Aruba tin un parti importante. Den e caso aki semper Hulanda ta manda un "special envoy" cu ta situa na Corsou pa yuda den e comunicacion entre e islanan y Ministerio di Relacion Exterior di Hulanda.

Recientemente, Prome Minister Evelyn Wever-Croes hunto cu Director di Departamento di Relacion Exterior di Aruba (DBB), señora Jocelyne Croes a cera conoci cu e "special envoy" nobo di Hulanda, señora Annemiek Verrijp. Señora Verrijp recientemente a cuminsa eherce na Corsou y di eynan e ta yuda Aruba tambe pa asina Aruba tin un miho comunicacion cu Ministerio di Relacion Exterior di Hulanda.

Durante e reunion a elabora riba varios punto importante pero principalmente riba e tema di Venezuela. Aki tanto DBB (Departamento di Relacion Exterior di Aruba), Ministerio di Relacion Exterior di Hulanda y Gobierno di Aruba tin un rol importante. Actualmente tur wowo ta riba e eleccion presidencial na Venezuela dia 28 di juli proximo. Despues di esey lo mantene contacto pa wak con pa sigui atende cu e tema di Venezuela. Importante tambe pa menciona e area maritimo di nos region, con pa garantisa e seguridad di esaki. Tin hopi traficacion di droga den e region y Aruba ta hunga un rol importante aki di percura pa combati e ilegalidad aki.



Prome Minister a menciona cu a trata di un bon reunion. Señora Verrijp ta conoce e region ya cu den pasado tawata embahador na Republica Dominicana. E mandatario tin tur confiansa cu durante e permanencia di señora Verrijp na Corsou, e lo asisti Aruba tambe y asina yega na desaroya e relacionnan exterior na un forma mas saludabel y mas activo y asina mantene pais Aruba mas safe cu ta posibel. ■■■



Condecoracion Real Aruba 2025



Con pa propone un persona ?

**Por haci proposicion door
di yena dos formulario.**

E formulario aki ta obtenibel durante oranan
di oficina na balie di Bestuurskantoor na

O'stad y San Nicolas y tur MFA.

Tambe por download e formularionan for di
e website di gobierno: **www.gobierno.aw**

www.overheid.aw

www.government.aw

Ta ricibi petitionnan
pa aña **2025**

entrante dia

6 di mei 2024

E ultimo dia pa
entrega petitionnan
ta dia

31 di juli 2024

(4:00pm)

PA MAS INFORMACION POR YAMA OF MANDA E-MAIL:

Sra. I. Niclaas-Ras tel: 592-2232 | Sra. R. Garrido tel: 593-1820 | condeco.aruba@gmail.com



MINISTER

Ursell Arends

MINISTERIO DI NATURALES TA ADRESA MAL CONDUCTA DI ACTIVIDADNAN AQUATICO Y PROTECCION DI TURTUGA



Recientemente Ministerio di Naturalesa a bin ta ricibi diferente keho y evidencia di companianan di watersport cu ta viola reglamento, entre otro areanan destina pa landamento.

E comportacion aki ta strictamente prohibi y ta pone un riesgo grandi na e seguridad di esnan landando/ snorkel den e area y tambe pa e compania mes kende por perde su permiso di watersport.

Ademas di e violacion di areanan di landa, Ministerio a wordo informa di incidentenan unda cu tour guides ta encurasha turista pa persigui e turtuganan na por ehempel tres trapi. Un practica cu ta ilegal y dañino pa e criaturanan protegi.

Minister Arends ta enfatisa cu e comportacionnan aki ta inaceptabel. Proteccion di nos bida marino y seguridad di ciudadano y bishitantenan mester wordo poni como prioridad.

Ministerio di Naturalesa ta compromete su mes pa pasa e evidencianan aki na e departamentonan concerni. Asina por spera cu accion por wordo tuma pa coregi e mal comportacionnan tumando luga y asegura cu tur compania ta cumpli cu ley.

Operadornan di watersport mester cumpli cu reglamento y maneho di Gobierno, y evita cu lo wordo enfrenta cu penalidad severo, incluyendo revocacion di permiso pa opera den nos awanan.

Minister Arends ta urgi tur operador di tour pa educa nan clientenan y empleadonan tocante e importancia di respeta nos bida marino y pa reforsa e regulacion cu diligencia.

Conscientisacion publico y cooperacion ta vital pa preserva e bunitesa natural di Aruba su lama unda por garantiza un ambiente sigur y agradabel pa tur hende y alabas percura pa un sector di watersport duradero y sostenibel.

Minister Ursell Arends:

FELIZ DIA DI PENSIONADO

NOS COMO PUEBLO MESTER BALORA Y RESPETA NOS ADULTONAN MAYOR



Aña pasa Gobierno di Aruba a designa dia 25 di juli como dia nacional di pensionadonan despues di un decision cu a keda aproba den conseho di minister.

Ariba e dia aki nos ta celebra y gradici e inmenso trabou cu esnan cu a bin prome cu nos a haci. Nos grandinan cu a pone man na obra pa haci di Aruba e pais fuerte y prospero cu e ta awe. E dia aki ta un recordatorio cu nos como pueblo mester balora y respeta nos adultonan mayor cu awe ta probecha di nan 'golden years'.

E 'golden years' aki siguramente no ta e caso pa hopi di nos grandinan. Aruba su adultonan mayor a wordo saca for di enfoke pa hopi tempo causando consecucionan grave pa e comunidad aki. Un zorgketen cu hopi buraco aden, un red di apoyo social debil y numbernan halto di isolacion ta algun di e factornan afectando esnan di e tercera edad.

Pa es motibo na 2021, bou di Gabinete Wever-Croes II, Minister Arends a actua cu urgencia y asina crea un ministerio dedica unicamente na e necesidadnan di adulto mayor.

Desde e cambio di ruta importante aki a bin cu un plan concreto pa aborda e problematica existente den e bienestar di nos grandinan. Aña pasa durante Luna di Adulto Mayor e prome edicion di Foro Nacional pa Adulto Mayor a tuma luga, unda varios entidad publico, semi publico y priva a bini hunto pa contribui na defini loke ta bay ta e plan di maneho di Aruba pa cu adulto mayor. A firma un convenio nacional cu e compromiso pa aporta na e implementacion, ehecucion y evaluacion di e plan. Durante e di dos edicion, a continua dialogo riba esfuersonan actual pa atende cu e retonan y oportunidadnan di enbehecimento.

E Deltaplan, cu a wordo desaroya cu expertonan scientifico y academico di hulanda, ta un strategia pa halsa e calidad di bida y trece alivio significativo ariba e zorgketen di Aruba. E idea principal di e plan aki ta pa fortalece e dimension social di e bidanan di nos adultonan mayor pa asina nan por keda lo mas largo posibel den nan entorno propio y goza di un bida mas saludabel y feliz.

Mehora nan contacto y actividad social, educa nan red di apoyo na cas y haci Aruba mas consciente di hende grandi nan humanismo ta tres di e factornan esencial di e asina yama 'Sociale Benadering'. Un di e esfuersonan mas importante pa cu Adulto Mayor den e actual gabinete ta proyecto PASADIA.

Esaki ta un concepto di dagverblijf unda cu personanan di 60+ por bin pasa tempo durante dia y participa den diferente actividad. Sea terapia di muziek, obra di man of simplemente sinta combersa cu otro ta algun di e cantidad di cosnan cu nan por haci.

E proyecto aki lo tin un impacto profundo ariba e cuido di nos adultonan mayor mirando cu hopi persona ta bai para caminda cu no mester. Por ehempel, esnan cu ta hiba un bida activo of ta basta bon di salud cu ta acudi na hospital of cas di cuido. Awor cu e 10 localidadnan di PASADIA cu lo ta operacional pa final di 2025 e problema aki ta algo cu lo disminui.

Minister Ursell Arends ta kere firmemente cu e futuro di nos Adulto Mayor na Aruba ta uno unda nan por goza di un bida digno. E plan a wordo poni den accion y a haya colaboracion den un comunidad comprometi pa cumpli cu nos grandinan. Feliz Dia di Pensionado.

Minister Ursell Arends:

FOOD TRUCK FESTIVAL SAN NICOLAS 2024:

CELEBRANDO AGRICULTURA LOCAL Y

SIGURIDAD DI ALIMENTACION



Diasabra awo, 27 di juli lo tuma luga e Food Truck Festival San Nicolas. E tema e aña aki ta “Siguridad di Alimentacion”. Un tema cu ta alinea cu e vision di Ministerio di Naturalesa den cuadro di e maneho pa sector primario.

E evento ta wordo organisa door di Harambe Foundation y Vibration PR den colaboracion cu diferente partnernan. Ministerio di Naturalesa ta contento di por forma parti di e iniciativa aki pa asina sigui promove e potencial di sector primario na Aruba y mehora siguridad di alimentacion.

E evento ta premira di ta uno exitoso unda cu Santa Rosa Aruba tambe lo ta participando e aña aki pa comparti informacion ariba cosecha local y balor nutricional di producto local.

Riba e mesun dia aki parti mainta, Santa Rosa Aruba tin nan Pop Up Market na nan cede na Piedra Plat, di 8’or te cu 11’or di mainta, unda lo tin carni, fruta y berdura fresco. E Food Truck Festival San Nicolas lo cuminsa pa 6’or di atardi y lo dura te cu 11’or di anochi. Dus un dia pa apoya agricultornan local y sostene nos mercado local en general.



Ministerio di Naturalesa ta invita comunidad henter pa bishita e dos eventonan aki cual entrada ta gratis, pa asina disfruta di un experiencia culinario local y sigur yena cu ambiente. “Aruba su siguridad di alimentacion den futuro ta depende riba nos esfuersonan di awe y e sosten cu nos ta duna nos agricultornan.” – Minister Ursell Arends

- SAN NICOLAS -

FOOD TRUCK

- FESTIVAL 2024 -

WELCOME TO SUNRISE CITY

SAVE THE DATE

SATURDAY

JULY 27

MAINSTREET SAN NICOLAS

FREE ENTRANCE

06:00 PM - 11:00 PM

STREET FOOD, BEATS, ARTS AND MORE...

DE PALM TOURS ARUBA

ecotech

HF HARAMBE FOUNDATION

AHATA
ARUBA HOTEL & TOURISM ASSOCIATION

VIBRATION
PR | EVENTS | MARKETING

Ministerio di Naturalesa

Kulture Cafe

Tropical
Bottling Company

WEB
WATER- EN ENERGIEBEDRIJF ARUBA N.V.

ARUBA
Aruba Tourism Authority



MINISTER ENDY CROES TA DESEA E DELEGACION DI ARUBA HOPI EXITO NA WEGANAN OLIMPICO PARIS 2024



Dia 26 di juli, ta tuma luga e gran ceremonia di apertura di Weganan Olimpico na Paris, Francia. Pa prome biaha e apertura di Weganan Olimpico e delegacionnan lo ta riba un boto cu lo traspasa mas di 6 km riba e riu de Seine cu ta recore den e ciudad.

Ta premira cu mas di 300 mil persona lo ta presente pa mira e gran desfile di Weganan Olimpico Paris 2024. E di 30 edicion di Weganan Olimpico ta tuma inicio dia 26 di juli pa 11 di augustus proximo. Pais Aruba ta participa cu seis (6) atleta na e Weganan Olimpico:

Shanayah Howell Ciclismo/BMX

Chloe Farro landamento

Ethan Westera Vela/Windsurfing Men

Just van Aanholt Vela/Single Handed Men,

Mikel Schreuders Landamento

Philip Elhage Tiro.

Pa conclui, Minister di Deporte ta desea e delegacion di Aruba y nos atletanan hopi exito. "Haci boso best y disfruta di e momento", Minister Endy Croes a expresa. Cu disciplina, deseo, dedicacion y determinacion boso ta logra.





Gobierno
di Aruba

Ricardo Cooper BASKETBALL CLINIC

Dia 26, 27, 28 di juli 2024 y 2,3,4 di augustus 2024

Orario 10 am - 1 pm pa mucha di 6-13 aña
5 pm - 8 pm pa hoben di 14-18 aña

Luga Basketball Field St. Maarten Straat

**REGISTRA
AWE MES**

Oficina di Gobierno Edison Briesen
Pastoor Hendrick str.# 51 di 8 am pa 4 pm
Ultimo dia pa registra 25 di juli 2024

Muchanan por disfruta di e cancha di basketball completamente gratis

DUANERONAN DAVELAAR Y RUIZ A BISHITA MINISTER THIJSSEN



Giovanni Davelaar kende siman pasa a cana e Vierdaagse di Nijmegen pa di 16 biaha y Marlon Ruiz cu pa di 18 aña tambe a participa na e Vierdaagse di Nijmegen a haci un bishita di cortesía na Minister Plenipotenciario mr. Ady Thijsen.

E aña aki ta haci 25 aña cu duaneronan di Aruba a cuminsa participa hunto cu Douane di Hulanda na e Vierdaagse di Nijmegen. Esaki tabata un uniciativa di duanero Humphrey Ricardson. Den transcurso di e 25 añanan diferente duaneronan Arubiano a participa.

Minister Thijsen a bisa un biaha mas cu e tin hopi admiración pa esnan cu ta participa na e Vierdaagse, principalmente nos hendanan, anto pa cana cuater dia 40 of 50 kilometer. E aña aki pa motibo di temperaturanan halto a reduci e trayecto di e ultimo dia cu 10 kilometer pa seguridad di e participantenan. Tambe durante e combersacion cu Minister Thijsen, sr. Davelaar y Ruiz a conta di nan preparacionnan na Aruba, pasobra pa cana e Vierdaagse bo mester train hopi pa bo ta den condicion pa cana cuater dia sigi y termina esaki cu éxito.

Despues di e encuentro Minister Thijsen a haci entrega di un regalo den forma di un dashi di Aruba na sr. Davelaar y sr. Ruiz como recuerdo di nan bishita na Gabinete di Aruba.

SINTONISA

CONFERENCIA DI PRENSA
DI GOBIERNO DI ARUBA

Gabinete Wever-Croes

DIALUNA Y DIAHUEBS | 10:00 AM

JULI 27
7 AM – 11 AM

Limpi
Limpi

BAKI DEN BARIO SAVANETA

VELD DI UNDESA

ATA FPNC APEX DALTRA BOI SERUMAR
MY CONTAINERS ECOTECH ECOTECHFZ
MINISTERIO DI NATURALES A PARADISE SCRAPS

LIMPI.AW



Arte di Muraya na San Nicolas no ta simplemente
verf riba bloki. E creatividad, fantasia y color riba e
murayanan ta un fuente di inspiracion di artistanan
pa encurasha nos pa brasa e poder di creatividad y
colaboracion na nos barionan di Aruba.

2024

AÑA DI STABILIDAD Y PROSPERIDAD